

Manmin nga mga Balita

NO. 44 HUNYO 6, 2014

Himaya sa Ginoo didto sa Israel ang Kinasuokang Dapit sa Ebanghelyo!

Ang "Crystal Forum's Music Festival" Nagtampo og Kalambuan sa mga Kristohanong Israeli



Ang Israel lugar nga natawhan sa ebanghelyo, apan kini nasod sa mga Hudeyo diin ang mga Kristohanon naglisod og hupot sa ilang pagtoo. Ang 'Israeli Christian Churches' makusganong nanag pamuhay pinaagi sa 777 ka adlawng pag pangalagad ni Dr. Jaerock Lee didto sa Israel nga nagsugod niadtong Hulyo 23, 2007. Hilabi na gyud paghimo ni Dr. Lee sa 'Israel United Crusade 2009', ang mga Israeli Christian Churches nagkahiusa og naghimog praise-festival matag tuig (Litrato: Ang lokal praise singers og mga tig pasundayag sa Manmin, sa 2014 Crystal Music Festival).

Ang Israel balaang lugar diin nagpabiling tibuok ang mga timailhan sa Ginoo. Sa hilom nga kagabhion didto, ang mga pagdayeg sa Ginoo nilanog paingon sa Langit.

Niadtong Mayo 24, 2014 alas 6 sa gabii, ilang oras, ang 'Crystal Music Festival', nga gihimo sa Crystal Forum (Israeli Pastors' Association), nagsugod didto sa International Convention Center sa Haifa, Israel. Kini gitambongan sa 1,000 ka mga tawo gikan sa Russia, Ukraine, Philippines, Finland, Lithuania, Hong Kong, og usab sa Israel og South Korea. Aktuwal nga gisibya sa 180 ka mga nasod pinaagi sa TBN Russia.

Daghang grupo sa 'praise & worship' sa nagkalain-laing

Israeli churches og si Praise Leader Rose Han, ang Vice-chairperson sa Manmins' Performing Arts Committee og ang Power Worship Dance Team nipataas sa ngalan sa Ginoo uban ang nindot nga mga pasundayag. Ang lokal nga mga pastor niwali og mubo nga mensahe matag pasundayag og mag ampo. Ang mga pagdayeg og ang Pulong manag uyon, nga nagdugang sa grasya nga nadawatan.

Ang tig pasundayag sa Manmin maoy niabli og nihatang sa kataposang pasundayag. Gidayeg sila sa mga tawo sa insaktong paglitok sa Hebrew, Russian og English diha sa ilang pagkanta og sa mamugnaong 'choreography'. Ang mga nanambong niingon nga ilang

nabati ang kalipay tungod sa nindot nga mga gisul-ob og 'props' nga maoy hinungdan nga ang mga tawo nakabati sa Langit.

Si Praise Leader Han nihalad og pagdayeg sa kanta nga hinatag sa Diyos. "Heavenly Glory" gikanta sa langitmong pinulongan. Human sa pagpaminaw sa kanta, daghang nanambong niingon nga napuno sila sa emosyon sama nga sila nakakita og anghel gikan sa langit. Sa dihang ang 'Power Worship Dance Team' nipasundayag sa tradisyonal nga sayaw sa Israel, ang tanan nanayaw sad og nagpasidungog sa Diyos.

Si Pastor Daniel Rozen, Presidente sa Crystal Forum, niingon, "Among naabot ang dakong kalamboan tungod sa

gugma og pag-ampo ni Dr. Jaerock Lee."

Mga pastor sa Crystal Forum niingon nga daghan sila og kalisdanan sa pagpangalagad tungod sa penansyal og mga pagsamok sa mga Hudeyo. Apan bisan pa sa kalisdad ining panahona, si Dr. Jaerock Lee ni suporta nila pinansyal uban ang dughan og gugma. Ang gahum sa iyang gugma maoy nihimo nilang iyang mga disipolo nga magsabwag sa pagkabalaan sa ebanghelyo og sa lihoc sa gahum. Ila ning gihimong kalihokana aron sila tiunay nga makadayeg sa ngalan sa Ginoo salamat ni Dr. Lee sa iyang gugma og pag-ampo (gipadayon sa p.4).

Si Dr. Lee ni proklama sa

pagkabalaan sa ebanghelyo og nipakita sa lihoc sa gahum sa Diyos sa tibuok Israel sulod sa 3 katug, 2007-2009. Pinaagi ini, iyang nadasig ang mga simbahang Kristohanon sa Israel.

Ining okasyona, ang mga pastor nga Israeli nihimo og organisasyon nga gitawag og 'Crystal Forum'. Ilang giimbata si Dr. Jaerock Lee og naghimo sa 'Dr. Jaerock Lee's Israel United Crusade' niadtong Septembre 2009. Kining maong krusada aktuwal nga gisibya sa 220 ka mga nasod.

Sugod ato, ang Crystal Forum aktibong nangalagad. Ilang gidumdum pagbuhat ang 'Crystal Music Festival' kada Mayo og nagpasidungog kini sa Diyos pinaagi sa mga pagdayeg.



Senyor Pastor Dr. Jaerock Lee

Gugmang Hingpit

“Ang gugma dili gayod matapos. Apan ang pagpadayag sa langitnong mensahe lumalabay lang. Ang mga hiyas sa pagsultig lahi nga pinulongan mawala og ang kahibalo mahanaw... Busa kining tulo magpabilin: pagtoo, paglaom og gugma. Apan ang labing dako niini ang gugma” (1 Corinto 13:8-13).

Sa imong pag adto sa Langit, kon makadala ka og usa ka butang, unsa may imong ganahang dad-on? Unsa may naa nato nga angayang dad-on?

Sa Langit ang dalan nga imong lakwan puro bulawan. Og ang Diyos nakasabot sa dughan sa Iyang pinanggih mga anak og nag andam Siya og mga balay didto sa Langit, nga hinimo sa bulawan og bililhong mga alahas og mga gem-stones nga dili maikumpara sa bisan unsa dinhi sa kalibotan. Mao nga dili kana kinahanglan nga magdala og bulawan o mga alahas kon moadto kana unya sa Langit. Apan naay usa ka butang nga kinahanglan natong dad-on aron makig ambit sa gugma uban ang Diyos. Kini mao ang espirituwal nga gugma nga gipalambo diha sa atong dughan samtang nia pa ta ining kalibotana.

1. Ang gugmang bilihon hangtod sa hangtod, bisan sa Langit

Sa 1 Corinto 13:8-10 mabasa, “Ang gugma dili gayod matapos; Apan ang pagpadayag sa Langitnong mensahe lumalabay lang. Ang mga hiyas sa pagsultig lahi nga pinulongan mawala og ang kahibalo mahanaw. Kay ang atong kaalam og ang atong pagpadayag sa mga langitnong mensahe dili hingpit. Apan kon ang hingpit moabot na, kaditong dili hingpit mawala.” Propisiya, langitnong pinulongan, og kaalam ngadto sa Diyos espirituwal nga mga butang apan nganong mahanaw man kini ngadto sa langit?

Ang Langit espirituwal nga gingharian og kini lugar nga hingpit. Bisan pa og mo propisiya ta dinhi ining kalibotana lahi ra kaayo ang pasabot sa tanang butang ngadto sa Langitnong gingharian sa umaabot. Atong klarong masabtan ang dughan sa Diyos og sa Ginoo didto sa langit, mao nga ang pag propisiya wala na nato kinahanglana didto.

Mao sad sa mga pinulongan. Kon makig estorya sa uban nga lahi og sinultian, naay kalisdanan sa atong pagpakig estorya nila. Apan didto sa Langit usa ra ang pinulongan. Mao nga dili na kinahanglan ang pagkabalaka sa pagsabot sa uban. Tungod kay ang maayog dughan dili mausab, og didto wala panagsumpaki og pakigbatok.

Mao sad sa kaalam. Samtang nagpakabuhi pa ta ining kalibotan matinguhaon tang makat-on sa Pulong sa Diyos. Magkat-on ta unsaon pagkaluwas og unsa ang kabubut-on

sa Diyos, apan tungod ra sa kahibalo nga kita makaadto sa Langit og kini gamay ra nga parti sa kaalam.

Sa inyo nang nabasa, ang propisiya, pinulongan og kaalam temporary nga gikinahanglan dinhi sa kalibotan aron makasulod sa Langit bisan kini nahisakop sa espiritu. Mao nga, importante kaayong mahibalo sa matuud nga pulong og ang pagkahibalo mahitungod sa Langit, apan labaw’ng importante ang pag alima sa gugma. Sa ato ra gyud nga matinguhaon pagtuli sa atong dughan og sa pagtuman sa gugma aron kita makasulod sa langitnong gingharian og makapuyo didto nga malipayon sa hangtod.

2. Ang gugmang Hingpit nga mabati didto sa Langit

Sa 1 Corinto 13:11 mabasa, “Sa bata pa ako, ang akong sinultian, pagbati og panghunahuna binata; apan karon nga hamtong na ako, dili na ako magbinata.”

Sa Langit walay kangitngit, kabalaka o kahadlok. Ang kamaayo og gugma ra ang naa. Mao nga atong mapagawas ang gugmang kinatibuk-an didto. Ang pisikal nga kalibotan og ang espirituwal nga kalibotan managlahi gyod. Bisan ining kalibotana, pinasubay sa sukdanan sa pagtoo, sa sinultian sa matag usa, sa pagsabot og sa paghunahuna managlahi.

Sa 1 Juan kapitulo 2, ang matag pagtoo tinagsa nga gipahisama sa ‘gagmay’ng bata’, ‘sa bata’, og sa ‘batan-ong lalaki’, og sa mga ‘amahan’. Katong naay pagtoo sama sa bata samang mga bata sa espiritu. Ang ilang pagpanabot sama ra sad sa mga bata, dili kaayo sila lawum makasabot espirituwal og gamay ra ang ilang kusog sa pagbansay sa Pulong. Apan kung mahimo na silang batan-on og ma amahan, ang gitas-on sa pagbati sa gugma sa Diyos lahi nasad. Dako na sad ang ilang abilidad sa pagbansay sa Pulong sa Diyos og makahimo na sila sa pagdaog sa pagpakig away sa gahum sa kaaway.

Apan bisan pag atong matuman ang pagtoo sa amahan ining kalibotana, makaingon ta nga sama pa ta sa mga bata kompara sa panahon nga kita mosulod ngadto sa langitnong gingharian. Kini tungod kay kita naay pisikal nga kinutoban ining kalibotana. Sa gidak-on sa atong pagtoo og paglaom para sa Langit samtang nia pa ta sa kalibotan, kahibaw ta unsa kanindot ang Langit. Apan dili sayon ang paghingpit sa pagsabot kon unsa ka nindot og kamahimayaon ang Langit. Kon maabot ta sa Langit atong mahunahuna ang espirituwal nga

gingharian nga walay kinutoban, hamugaway, og misteryoso og atong masabtan ang tanan.

Ang atong kinabuhi dinhi sa kalibotan preparasyon para sa kinabuhing walay kataposan ngadto sa Langit. Kinig kalibotana dali nga molabay tungod kay kini sama sa anino kompara ngadto sa walay katapusang gingharian sa Langit. Kining kinabuhia sama sa anino og kini ang mopahinumdom nato sa kalibotang dayon. Human nga mahanaw ang kinabuhing sama sa anino ining kalibotana, ang aktuwal nga butang sa among anino klaro nga maipakita.

Mabasa sa 1 Corinto 13:12 “Ang atong nakita karon sama lang sa hanap nga panagway diha sa salamin apan unya ma klaro na gyud nato ang tanan. Ang nahibaloan ko karon tipik lang apan ma hingpit ra unya kini sama ka hingpit sa kahibalo sa Diyos bahin kanako.”

Sa dihang gisuwat ni Apostol Pablo kining kapitulo sa espirituwal nga gugma, 2,000 na katug ang milabay. Ang samin adtong panahona dili pa kaayo klaro sama sa mga samin karon tungod kay sa una mag galing lang sila og plata, bronse og uban pang metal unya pasinawon og ang pinasinaw nga metal hanap kon gamiton sa pagpanamin. Kon ang eternal nga gingharian, ang hingpit nga kalibotan, moabot na unya, direkta nato kining mabati sa langitnong gingharian mismo. Atong klarong makita ang kada detalye sa gingharian og direkta nga mabati, ang kamaya lahi ra kaayo. Madasigon natong mabati ang kanindot og kahibulongang Diyos. Siya kanindot nga dili malitok.

3. Pagtoo, paglaom og gugma, apan ang labing dako niini mao ang gugma

Ang pagtoo og paglaom mahinungdanon kaayo para sa pagtubo sa atong pagtoo. Mahimo tang maluwas og moadto sa Langit kon kita naay pagtoo. Mahimo tang anak sa Diyos pinaagi lang sa pagtoo. Og kon naa tay pagtoo, natural nga naa tay paglaom. Tungod ini, mahimo tang makapuyo sa nindot nga puloy-anan sa Langit, magsulay nga mahimong balaan, og matinud anong magbuhat para sa gingharian sa Diyos.

Sa gipasabot, ang pagtoo og paglaom gikinahanglan hangtod nga kita makaabot sa langitnong gingharian. Apan ngano nga ang 1 Corinto 13:13 niingon, “Busa kining tulo magpabilin: pagtoo, paglaom og gugma. Apan ang labing dako niini mao ang gugma.”

Una, ang pagtoo og paglaom gikinahanglan lang samtang kita nagdawat pa sa ‘human

cultivation’ ining kalibotana. Sa Langit, ang espirituwal nga gugma lang ang naa ining tulo.

Kon ikaw dunay tinuod nga pagtoo og gugma sa Diyos, ang imong paglaom para sa Langit magkadako sa tinguha nga motubo ang imong pagtoo. Labaw kang mingawon pag ayo sa Ginoo.

Katong naay paglaom para sa Langit dili moingon “Sobra na. Nag antos ko” bisan pa og sila naglakaw sa sigpit og mapintas nga dalan ining kalibotana. Dili sila mopaling bisan unsang klase sa tentasyon. Apan sa imong pag abot sa kataposang distinasyon, ang Langit, dili kana magkinahanglan og pagtoo, nga mao ang pagtoo sa butang nga dili makita, og paglaom. Gugma nalang ang naa didto sa Langit. Maong giingon nga ang gugma maoy labing dako.

Sunod, makabaton ka sa Langit tungod sa pagtoo, apan dili ka makasulod sa pinaka nindot nga puloy anan sa Langit, ang Bag-ong Herusalem, kung wala kay gugma.

Sa atong pagpaningkamot sa pagbuhat uban ang pagtoo og paglaom, makasulod ta sa nindot nga puloy-anan sa Langit. Ang espirituwal nga pagtoo ihatag kon kita naningkamot sa pagpakabuhi subay sa Pulong sa Diyos, sa pagpalayas sa mga sala, og sa pag abot sa nindot nga dughan. Og pinasubay ining maong sukdanan sa pagtoo, ang atong puy-anan sa langit ma disisyonan kon asa, sa Paraiso ba, sa una, ika-2, og ika-3 gingharian sa langit, o sa Bag-ong Herusalem.

Apan ang Bag-ong Herusalem ihatag ngadto sa mga anak sa Diyos nga nakatuman sa hingpit nga gugma uban ang pagtoo. Mao ang Kristal nga gugma. Aron makasunod sa Ginoo og makapuyo sa Bag-ong Herusalem, kinahanglan mosunod ta sa gibuhay sa Ginoo. Ang iyang gibuhay mao ang gugma. Kon naa ta ining gugmaha mahimo tang mosunod sa Ginoo pinaagi sa pagpatubo sa 9 ka bunga sa Espiritu og sa ‘Beatitudes’ diha sa atong dughan.

Mao nga kon naa tay pagtoo makasulod ta sa Langit og kon naa tay paglaom atong mapalayas ang mga sala. Ang pagtoo og paglaom gikinahanglan gyud apan makasulod lang ta sa Bag-ong Herusalem kon kita naay hingpit nga gugma. Maong giingon nga ang gugma labing dako.

Mahal kong kaigsoonan. Ako mag ampo sa ngalan sa Ginoo nga mahimo kang bulahan nga magtotoo nga makapahimuot sa Diyos pinaagi sa pagtuman sa espirituwal nga gugma nga nahisulat sa 1 Corinto kapitulo 13.

Ang Pag-angkon sa Pagtoo

1. “Manmin Central Church” nagatuo nga ang Bibliya mao ang gininhawang pulong sa Diyos, perpekto og walay sipat.
2. “Manmin Central Church” nagatuo sa panaghiusa’ng lihog sa Diyos nga Trinidad: Diyos nga Balaang Amahan, Diyos nga Balaang Anak, og Diyos nga Balaang Espiritu Santo.
3. “Manmin Central Church” nagatuo nga kita mapasaylo sa atong mga kasal-
4. “Manmin Central Church” nagatuo sa pagkabanhaw og pagkayab ni Hesu Kristo, sa Iyang ika duhang pagbalik, panahon sa kalipay og ang Lanig nga walay katapusan.
5. Mga Miyembro sa “Manmin Central Church” ni angkon sa ilang pagtoo diha sa “The Apostles’ Creed”, sila nagatuo sa unod sa mga pulong nahisulat niini.

“Ang Diyos mismo ang naghatag sa kinabuhi og ginhawa sa tawo og sa tanang butang” (Buhat 17:25).
“Ang kaluwasan makaplagn lamang diha kaniya kay dinhi sa kalibotan wala nay laing ngalan nga gihatag sa Diyos ngadto sa katawhan nga maoy makaluwas kanato” (Buhat 4:12).

Manmin nga mga **Balita**

Published by Manmin Central Church

Bisayan

29, Digital-ro 26-gil, Guro-gu, Seoul, Korea, 152-848
Tel: 82-2-818-7047 Fax: 82-2-818-7048
http://www.manmin.org/english / www.manminnews.com
E-mail: manministry@manmin.org
Publisher: Dr. Jaerock Lee
Managing Editor: Geumsun Vin

Tan-awa! Susihonon nga mga Punto para sa Malipayong Kristohanong Kinabuhi

Deuteronomio 10:13, "Og tumana ninyo ang tanan niyang mga balaod nga gihatag ko karon kaninyo alang sa inyong kaayohan." Buot sa Diyos nga ang Iyang mga hinigugmang anak magmalipayon sa Kristohanong kinabuhi. Malipayon ba ang inyong Kristohanong kinabuhi? Atong tan-awon pinaagi sa pagsusi ngadto sa 2 ka klasing Kristohanong kinabuhi.



Manunuton kaba o aktibo?

Atong klarong mailhan ang kalahian sa manunuton o aktibong Kristohanong kinabuhi. Bisan sila parehong makita, ang sulod sa kasing kasing og hunahuna dako kaayog kalahian.

Bisan ang usa manunutong nagtuman sa kinabuhi siya mag agad lang. Mobuhat lang sila sa butang nga giingon sa ilang leder. Mobuhat sila sa butang kon naay mogiya nila og mo suporta. Mapuno lang sila sa espiritu, kon sila makadawat og grasya. Dali kaayo silang mawad-an sa kapuno.

Pananglitan sa pag-ampo. Ang manunutong magtotoo mag-ampo sulod sa 10 ka oras apan sama nga napugos lang. Unya ang kahumot nipis kaayo. Kung napugos ka lang sa pagbuhat, dali ka ra kaayong kapoyon. Apan kon ang aktibong magtotoo matitud-anon og boluntaryong mag-ampo bisan siya mag-ampo lang og 1 ka oras, naay gibag-on sa kahumot sa iyang pag-ampo nga gihalad.

Ang pagka aktibo og ang pag boluntaryo sa pagbuhat sa bisan unsa nagpakita nga iyang nailhan ang balor og makadawat og kalipay sa iyang nahimo.

Ang Diyos nihatag og mga sugo sa Iyang mga

pinanggang anak aron sila makaangkon sa baskog og bulahan nga kinabuhi. Mao nga, kon matuman ta uban ang pag-ila sa gugma sa Diyos para nato, mahimo tang magmalipayon sa atong Kristohaong kinabuhi ubos sa grasya sa Diyos og panalangin. Bisan tinuod naay panahon sa kalisdanan og mga problema makapasalamat gihapon sila nga kinasing kasing uban ang paglaom para sa nindot nga Langit. Tungod kay ilang gihigugma ang Diyos labaw sa tanan, ang ilang nawong puno sa kalipay.

Unya, nganong naa may mga magtotoo nga manunuton apan dili aktibong nagtoo sa kinabuhi? Kini tungod kay wala pa nila kaplagi ang tinuod nga pasabot sa pagtoo. Mahimo lang tang aktibo og mainiton kung atong tino nga masabtan ang rason og tumong sa atong Kristohanong kinabuhi. Ganahan natang maminaw sa Pulong sa Diyos og pag-ampo. Ganahan natang mo boluntaryo og apil sa panag pundok sa simbahan og makig pundok nga makig ambit sa gugma kuyog sa ubang mga magtotoo.

1 Pedro 2:5 nag-ingon, "Sama sa mga batong buhi, panuol kamo og ipagamit ang inyong kaugalingon

aron pagtukod sa espirituhanong templo diin mag alagad kamo ingon nga mga balaang pari nga maghalad sa espirituhanon og makapahimuot nga mga halad ngadto sa Diyos pinaagi kang Kristo Hesus." Sa nahisulat, ang mga anak sa Diyos, mahimong pari nga maghalad og balaan og buhing sakripisyo nga dawaton sa Diyos pinaagi ni Hesu Kristo.

Tinuod nga ang atong Kristohanong kinabuhi dili mahimo lang sa atong kaugalingon. Mao nga ang Diyos sa gugma nipadala sa Motabang nga mao ang Espiritu Santo isip gasa. Kon atong dawaton si Hesu Kristo og maghinulsol pag ayo sa mga sala, ang Espiritu mosulod sa atong dughan og magtudlo nato sa tanang butang, mopahinumtum, og mogiya nato sa matuud (Juan 14:26, 16:13).

Hangtod nga ang atong pagtoo motubo pag-ayo, nga kita agakon sa pagka manunutong Kristohanong kinabuhi og nagkinahanglan sa tabang o sa tambag sa uban. Apan human sa gitag-on sa maong pagtubo, importante kaayo ang atong dakong pag-ampo aron pagsalig sa Espiritu og maningkamot nga makakuhag tubag gikan niya.

Imo bang gihatagan og balor ang tumong o ang proseso sa pag kab-ot niana?

Ang paghimo og tumong o tinguha importante kaayo aron maabot ang damgo. Bisan pa, kon atong hatagan og dakong importansya ang tumong nga ibaliwala ang proseso, dili kana hingpit.

Ang proseso sa pag abot sa tumong sa dughan sa espiritu mao nga imong mabati ang dughan sa Diyos og ang pagkab-ot sa mga kalipay og kalinaw diha sa imong dughan. Kon nangandoy ka ini og naningkamot nga imo kining maabot, imong mabati ang kasadya og kalipay pinaagi sa pagdiskobre sa imong tinuod nga naturalidad og ang pagpapahawa sa mga bakak. Bisan pa, kon ang tumong o ang sangputanan lang ang imong hatagan og balor, mahasol ka lang og masakitan sa pagsulay og pagpapahawa sa mga bakak.

Kon ikaw magdala sa tinuod nga matitud-anong kinabuhi, dili ka mapakyas. Apan hinuon malipayon sa paglaom nga imong maabot ang tumong. Atong gikinahanglan nga eksaminon ang atong dughan sa kada hitabo paingon sa atong tumong. Kon atong

bansayon ang maayong binuhatan bisan sa mga ginagmay'ng butang, atong gihimo ang matag tikang sa pagtoo.

Ang mga butang sama sa, pagsultig mga pulong gikan sa gugma, pag-ampo og pag-basa sa Bibliya bisan bisi ka, espirituwal kaning mamundo og mahimo kining modala nga aron ikaw daling maabot sa tumong. Ang matitud-anong kinabuhi sama ra nga ikaw nagtukod sa imong pinaka balaang pagtoo (Judas 1:20).

Kon ikaw naay tinguha para sa Bag-ong Herusalem, ang pinaka nindot nga lugar sa Langit, og ang pagkatibuok sa espiritu, nga mao ang pagtoong gikahimut-an sa Diyos, dinhi makahimo ka sa malipayong Kristohanong kinabuhi (Gipadayag 21:2; 1 Tesalonica 5:23). Natural ka nga mo pangga sa proseso sa tanang ang-ang ngadto sa maong tumong, dili lang ang balor sa maong tumong.

Ang mosunod nga mga bersikulo sugod sa Mateo

20:20 naghulagway sa sitwasyon diin ang inahan ni James og John nihangyo kang Hesus nga ang iyang duha ka anak palingkuron ni Hesus sa Iyang tupad. Unya si Hesus mitubag, "Makahimo ba kamo pag-inom sa kupa sa pag-antos nga sa dili madugay akong imnan?" Niadtong higayona ang iyang mga disipolo wala makasabot sa "pag-inom sa kupa". Apan human nga makadawat sa Espiritu, ila nang nahunahuna ang pasabot, kadaghanan nila niinom 'sa kupa' sa gugma sa Ginoo, og pinaagi ini nakaambit sila sa Iyang himaya (Lucas 22:28-30).

Mao nga, aron makasulod sa Bag-ong Herusalem nga puno sa himaya sa Diyos, mamundo gyud ta og mga butang pinasubay sa hustisya sa Diyos. Kon mag dagan ta nga sadya og malipayon paingon sa tumong nga naay klarong paglaom, atong maangkon ang dughan sa espiritu og sa kataposan kita maka sulod sa Bag-ong Herusalem nga mao ang pinaka tumong labaw sa tanan.

“Ang Pagpangalagad sa Israel dili na lisod”

Pastor Sergey Vocharnikov
(Nazareth Spirit of Life, simbahan sa Israel)



Hudeyo ko nga natawo didto sa Ukraine. Ang akong pamilya nibalhin ngadto sa Russia, og didto akong nailhan ang akong asawa og akong gidawat ang Ginoo. Ang pamilya sa akong asawa Messianic-Jews og ang akong uganganng lalaki pastor. Tuig 1989, ang pamilya sa akong asawa og kami namalhin didto sa Haifa, Israel og nagsugod sa misyon.

Sayo sa tuig 1990, sa dihang pag-abli sa Soviet Union, daghang mga Hudeyo sa Russia namalhin sa Israel og amo silang gisulayan sa pag-ebanghelyo. Nahimo kong pastor tuig 1994 og nagsugod sa ministry didto sa Nazareth ang nadak-an ni Hesus. Apan dili sayon ang pagwali sa ebanghelyo sa Israel kay ang mga tawo nagtoo sa Judaism.

Ang ‘Crystal Forum’ gitukod para magkahiusa ang mga Israeli-pastors

Usa kaadlaw sa 2004, nakadawat ko og tawag gikan ni Pastor Alexander Yepp sa Germany. Chairman siya sa Organizing-Committee sa “Dr. Jaerock Lee’s Germany United Crusade 2004.” Ni awrag siya nako nga patambongon sa krusada. Dili man nako mahimo, ako nalang gipatambong ang akong assistant-pastor og iyang gidala ang mensahe ni Dr. Lee nga puno sa kinabuhi og sa kahibulongan nga pagpamuhat sa gahum.

Sa akong pagkadungog sa madilaabong lihok sa Espiritu, natandog kaayo ang akong dughan. Bisan og napulo na katuig sukad sa akong pag-abli sa simbahan, naa gihapon ang mga kalisdanan penansyal og pagbiaybiay sa mga Hudeyo. Apan ang ministry ni Dr. Lee maoy hinungdan nga nakakuha ko og bag-ong panglantaw para sa pagwali sa ebanghelyo sa Israel.

Oktubre 2005, ni ngadto ko sa Seoul aron mo tambong sa ika-23 nga anibersaryo sa Manmin Central Church. Ang pasundayag sa ‘Performing Arts Committee’ nipahinumdom nako sa Langit. Labaw sa tanan akong nahunahuna nga ang mga mensahe ni Dr. Lee og ang ‘Daniel Prayer Meeting’, maoy makusganon aron mahitabo ang kabag-ohan sa simbahan.

Nakasiguro ko nga ako nang nadawat ang tubag sa akong pag-ampo sa dugay’ng panahon, nga makakita ko og espirituwal nga tig-tambag og magwali sa Israel. Ako dayong giparehistro ang akong simbahan isip sanga. Nitambong ko sa krusada ni Dr. Lee didto sa DR Congo og New York sa U.S. niadtong 2006. Naka saksi ko sa mga tawong nangaayo sa ilang sakit og nakadawat sa mga tubag og himaya sa Diyos. Natandog kaayo ko nila.

Sugod Hulyo 2007, si Dr. Lee nagwali sa pagkabalaan sa ebanghelyo og lihok sa gahum sa 12 ka higayon sulod sa 3 katuig sugod sa Nazareth, sa Norte, paingon sa Eilat sa South. Hilabi na gyud pag Hulyo 25, 2007, nagsugod siyag pangalagad sa Israel pinaagi sa unang miting sa akong simbahan, Nazareth Spirit of Life Church, nga

nakatandog kaayo sa akong dughan.

Ang iyang 3 katuig nga pagpangalagad naka dasig kaayo sa mga Hudeyong magtotoo sa Israel. Isip bunga, ang mga Israeli-pastors nag-organisar sa ‘Crystal Forum’ (asosasyon sa mga Israelling pastor) og dinhi makita ang panaghiusa.

Si Hesu Kristo gi-proklama sa ‘Israel United Crusade’ ni Dr. Jaerock Lee

Pag-Septembre 2009, si Dr. Lee naghimo sa ‘Israel United Crusade’ sa ‘International Convention Center’ sa Jerusalem, sentro sa Israel. Ang krusada gisibya duolan sa 220 ka mga nasod pinaagi sa 33 ka mga magsisibya. Si Dr. Lee bulgar nga ni-proklama mahitungod sa Diyos Magbubuhay og ni Hesu Kristo. Sa tinuod, daghang langyaw nga mga pastor mo wali diri sa Israel apan walay pastor nga klarong nagtudlo nganong si Hesu lang ang atong Manluluwas og sa espirituwal nga pasabot ini. Apan si Dr. Lee niwali ini bisan ngadto sa mga Hudeyo og nagpamatuud sa pagkatinuod sa mga lihok diha sa Bibliya pinaagi sa pagpakita sa mga gamhanang lihok.

Ang Israel maoy natawhan sa ebanghelyo apan ang mga tawo wala modawat ni Hesu Kristo isip ilang Manluluwas. Ang pipila ka mga Messianic-Jew sinalikway sa katilingban. Apan human sa krusada, ang mga Messianic-Jew nangalagsik og aktibong nangalagad pinatung-an sa Crystal Forum.

Daghang pastor diri nakadawat og dakong grasya pinaagi sa mga sermon og sa balaang pagpangalagad ni Dr. Lee. Sugod nga nakasabot ko og unsa ang balaang kinabuhi, naningkamot nako sa pagpalayas sa mga sala, bisan sa dughan og hunahuna, og ako sad ning gitudlo sa

mga miyembro sa akong simbahan.

Daghang pastor mobisita sa Israel gikan sa ubang nasod tungod kay kini balaang lugar og natawhan ni Hesus. Kon sila makasaksi namo nga nagwali ubos sa mga kalisdanan ining nasod sa ‘Judaism’, sila moingon nga ila ming tabangan, apan wala pay bisan usa nga akong nakitang nituman sa mga saad.

Bisan pa, si Dr. Jaerock Lee nagtudlo namo sa probidensya sa Diyos nga diin ang ebanghelyo mobalik sa Israel, ‘ang suok nga dapit sa kalibotan’ og nipadayon siyag hatag sa pinansyal og espirituwal nga suporta. Mao nga ang Israelling mga pastor maladlaron sad nga nagwali sa ebanghelyo og maghimog mga krusada uban ang panyo nga inampoan ni Dr. Lee (Buhat 19:11-12).

Maghimo sad ko og krusada sa panyo sa India matag tuig. Ako sad nga na-eksperyensya ang gamhanang lihok sama sa ‘infertility’ nga naayo og ang alcoholic-patient nga nibalik sa normal. Akong pasalamatan og himayaon ang Diyos nga nagpamuhat sa iyang probidensya ining naghinapos nga panahon pinaagi ni Dr. Jaerock Lee.



Ang “Dr. Jaerock Lee’s Israel United Crusade 2009” gihimo didto sa ICC-Jerusalem, ang sentro sa Israel. Iyang giwali ang mensahe og nagpakita sa lihok sa gahum pinaagi sa iyang pag-ampo sa mga masakiton nga diin nahimaya ang Diyos.

Ang krusada gisibya sa sobra sa 220 ka mga nasod pinaagi sa public-TV og satellite, nga maoy hinungdan nga daghang tawong nakadawat sa kaluwasan, tubag og kaayohan.



Mga Sangay ng Ministryo ng Manmin sa Pilipinas

Manila Manmin Holiness Church

441 Potato St, J-Figuera
Sampaloc, Manila, Pilipinas
Pastor Peter Bae
Pastor Lucy Lee
2-735-1423

Bataan Manmin Holiness Church

067 Daang Bago, Dinalupihan,
Bataan, Pilipinas
Pastor Peter Bae
0910-262-5465

Isabela Manmin Holiness Church

Purok 3, Brgy. San Roque, San
Mateo, Isabela, Pilipinas
Pastor Peter Bae
Pastor Lucy Lee
0905-649-1120

Cavite Manmin Holiness Church

5 Lot 33 Bk 1, Canutuhan (tenant),
Santiago Gen.Trias, Cavite, Pilipinas
Pastor Sharon Cho
046-850-3193 /
0916-674-3903 /
0905-319-8191

Imus Manmin Holiness Church

Blue Bell St. Plaridel III Sub.
Bayan Luma 7, Imus Cavite,
Pilipinas
Pastor Jubeom Kim
0927-311-7633

Cebu Manmin Holiness Church

LOT N. 402 - B-4
Looc Along Side The Canjulao
Road, Lapu-Lapu City Cebu,
Pilipinas
Pastor Rossetta Sung
0921-635-7595

Davao Manmin Holiness Church

301 Ilang Ilang St. Flores
Village, Bangkal, Davao City,
Pilipinas
Pastor Kathryn Kim
0908-635-2714